

Fundargerð stjórnar Almannaheilla, 17. febrúar 2021 kl. 9.00

Jónas Guðmundsson formaður setti fund og stýrði honum, fundurinn var rafrænn.

Mætt: Jónas Guðmundsson, Guðrún Helga Bjarnadóttir, Guðlaug Birna Guðjónsdóttir, Hrannar Björn Arnarsson, Jón Aðalsteinn Bergsveinsson til kl. 10.10, Árni Einarsson, Vilmundur Gíslason og Hildur Helga Gísladóttir sem ritaði fundargerð.

1. Fundargerð síðasta fundar samþykkt.
2. Skattamál; Málþing Vaxandi og Almannaheilla um frumvarp til laga um skattabreytingar, almannaheillsamtökum til góða, var haldið 11. febrúar sl. Málþingið var rafrænt og var vel sótt. Í máli Jónasar formanns Almannaheilla kom m.a. fram að eins og frumvarpið væri sett fram væri ekki gert ráð fyrir öllum tegundum almannaheillasamtaka og að gæta þyrfti að því að löggjöfin næði yfir almannaheillasamtök almennt. Hið sama kom fram í máli fulltrúa nokkurra almannaheillasamtaka á fundinum og höfðu einhver þeirra sent inn athugasemdir þar að lútandi. Bjarni fjármálaráðherra sem hélt erindi á fundinum sagði að tillit yrði tekið til þeirra athugasemda. Mikill einhugur virðist vera um frumvarpið.
3. Húsnæðið í Urriðaholti sem Oddfellow afhenti Almannaheillum til afnota þann 18. janúar sl. fullinnréttað hefur nú að mestu leyti verið búið húsbúnaði sem Almannaheill fékk hjá vinveittri stofnun sem hafði aflagt búnaðinn. Guðrúnu Helgu varaformanni og Halldóri Auðar stjórnarmanni falið að finna hentuga nettengingu og skjá í húsnæðið í samráði við Guðlaugu gjaldkera.
4. Starfsmannamál; Fagaðili verður fenginn til að gera þarfalýsing fyrir verkefni Almannaheilla og þátt nýsköpunar en starfsmaður Vaxandi mun sinna afmörkuðum verkefnum fyrir Almannaheill á næstunni.
5. Aðildarumsóknir aðildargjöld. Rætt um form fyrir umsóknir á heimasíðu, gjaldflokka og eftirfylgni þar um og að gjöld haldi í við verðlag. Guðlaug gjaldkeri gerir tillögu að gjaldskrá fyrir næsta fund. Nokkur ný samtök verða tekin inn í vor.
6. Rekstraráætlun 2021 – Frestað til næsta fundar
7. Verkefni, áherslur fram á sumar; Verkefni, áherslur fram á sumar; Gera Urriðaholtið tilbúið og hefja starfssemina þar.
Kynna nýtt húsnæði og starfssemina fyrir aðildarsamtöum og almenningi, fagna og sýna aðstöðuna þegar losnar um samkomuhöft. Kynna nýtt skattafrumvarp, almannaheillasaamtökum til heilla, þegar það verður samþykkt, væntanlega í vor.

Undirbúningi miðar nokkuð vel vegna Fundar fólksins sem verður í Norræna húsinu í haust og er unnið með Norræna félaginu sem sér um framkvæmdina skv. samningi við Almannaheill.

8. Dagsetning aðalfundar 2021 ákveðin 3. júní nk. kl. 16.00. í Urriðaholti ef sóttvarnaraðstæður leyfa, en annars hjá Krabbameinsfélaginu þar sem Almannaheill hefur notið mikillar gestrisni alla tíð.
9. Uppstilling; Formaður fundar með uppstillinganefnd, Jóni Pálssyni, Katli Berg, Auði Ingu Þorsteinsdóttur og Ólafi Proppé um verkefni nefndarinnar fyrir aðalfund.
10. Önnur mál; Siðaregluhópurinn mun hittast í dag til að yfirfara siðareglur Almannaheilla.
11. Fundi slitið kl. 10.30